



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka ("Službeni glasnik BiH" broj 95/12), člana 25. Pravilnika o godišnjim finansijskim izvještajima političkih stranaka ("Službeni glasnik BiH" broj 96/13), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka ("Službeni glasnik BiH", broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU DEMOKRATSKE NARODNE ZAJEDNICE BIH

Broj: 03-07-6-276/15  
Sarajevo, 21.04.2016. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS REVIZIJE.....	5
Predmet revizije.....	5
Cilj revizije.....	5
Obim revizije.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Demokratske narodne zajednice BiH za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

Rukovodstvo stranke je odgovorno za finansijske izvještaje, postupanje u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskog izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2014. godinu, utvrđeno je da je Demokratska narodna zajednica BiH prekršila odredbe člana 5. stav (4), člana 11. i člana 12. stav (1) i (3) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Demokratske narodne zajednice BiH za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Demokratska narodna zajednica BiH se finansirala iz sljedećih izvora:

R/B	Izvori finansiranja	Iznos (KM)	Učešće u izvorima finansiranja (%)
1.	Članarina	100,00	0,05
2.	Prilozi fizičkih lica ( 3-a )	4.034,00	1,85
3.	Prilozi pravnih lica ( 3-b )	2.900,00	1,33
4.	Prihodi od imovine ( 3-c )	6,50	0,00
5.	Prihodi od pr.lica ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	211.247,00	96,77
8.	Prihodi od propag. ( 3-g )	0,00	0,00
9.	Ostali prihodi	0,00	0,00
<b>I</b>	<b>Ukupni prihodi (1-9)</b>	<b>218.287,50</b>	<b>100,00</b>
<b>II</b>	<b>Kreditno zaduženje kod banaka</b>	<b>0,00</b>	<b>0,00</b>
	<b>Izvori finansiranja (I+II)</b>	<b>218.287,50</b>	<b>100,00</b>

Prema podacima iz godišnjeg finansijskog izvještaja, Demokratska narodna zajednica BiH ostvarila je rashode u ukupnom iznosu od 232.643,00 KM.

## 2. PREDSTAVLJANJE POLITIČKE STRANKE

Naziv političke stranke: Demokratska narodna zajednica BiH. Skraćeni naziv stranke: DNZ BiH.

Demokratska narodna zajednica BiH je upisana u registar političkih organizacija kod Višeg suda u Mostaru, rješenjem broj: R-14/96 od 16.02.1996. godine.

Sjedište stranke je u Sarajevu, Džemala Bijedića br. 32/I.

Lice ovlašteno za zastupanje stranke je Rifat Dolić.<sup>1</sup>

Lice ovlašteno za podnošenje finansijskih izvještaja za 2014. godinu je Feriz Crnkić.

Prema podacima iz godišnjeg finansijskog izvještaja za 2014. godinu, organizacionu strukturu Demokratske narodne zajednice BiH čine:

- Glavni ured DNZ BiH u Velikoj Kladaši i
- Ured DNZ BiH Cazin.

<sup>1</sup>Na osnovu obavještenja DNZ BiH broj: 045-00/15 od 26.10.2015. godine dosadašnji predsjednik stranke Rifat Dolić podnio je neopozivu ostavku na tu dužnost, što je Glavni odbor DNZ BiH, na sjednici održanoj 10.10.2015. godine i prihvatio. Na istoj sjednici, u skladu sa Statutom DNZ BiH, za vršioca dužnosti (VD) predsjednika DNZ BiH imenovan je Admil Mulalić, koji će ovu dužnost obavljati do održavanja Kongresa DNZ BiH na kojem će biti izabran predsjednik DNZ BiH.

### 3. OPIS REVIZIJE

**Predmet pregleda i kontrole** je godišnji finansijski izvještaj Demokratske narodne zajednice BiH za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i članom 15.10 Izbornog zakona Bosne i Hercegovine.

**Obim pregleda i kontrole** finansijskih izvještaja Demokratske narodne zajednice BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### 4. PRETHODNE KONTROLE I REVIZIJE

Služba za reviziju izvršila je reviziju i pregled finansijskih izvještaja Demokratske narodne zajednice BiH u periodu od 2005. do 2013. godine, nakon čega su izdati izvještaji o reviziji, odnosno izvještaji o pregledu sa nalazima revizije, mišljenjem revizora i preporukama stranci.

Nakon izvršenog pregleda godišnjeg finansijskog izvještaja za 2013. godinu, Služba za reviziju je izdala Izvještaj o pregledu godišnjeg finansijskog izvještaja Demokratske narodne zajednice BiH sa mišljenjem revizora, nalazima revizije i preporukama stranci da vodi poslovne knjige u skladu sa računovodstvenim propisima, odnosno da vodi tačne i potpune evidencije o svojim rashodima i obavezama, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka, da poštuje i druge propise, prevashodno poreske, iz kojih proističu dodatne obaveze i troškovi, da u skladu sa računovodstvenim propisima, vrši redovan popis i da sačinjava blagajničke dnevničke izvještaje.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2014. godinu, utvrđeno je da je Demokratska narodna zajednica BiH djelimično ispoštovala preporuke revizije.

### 5. NALAZI I PREPORUKE

#### 5.1. NALAZI

**Na osnovu obavljenog pregleda, utvrđeno je da je Demokratska narodna zajednica BiH prekršila odredbe člana 5. stav (4)<sup>2</sup> i člana 11<sup>3</sup>, i člana 12. stav (1)<sup>4</sup> i (3)<sup>5</sup> Zakona o finansiranju političkih stranaka.**

Pregledom je utvrđeno da Demokratska narodna zajednica BiH nije u poslovnim knjigama evidentirala nenovčanu donaciju pravnog lica „Adverto media“ u iznosu od 715,00 KM, čime je prekršila odredbe člana 5. stav (4) Zakona o finansiranju političkih stranaka.

---

<sup>2</sup> Političke partije dužne su da vode evidenciju o prijemu članarina i dobrovoljnih priloga, te da izdaju potvrde o prijemu članarina i dobrovoljnih priloga. Ovlašćeno lice u političkoj partiji uplaćuje članarinu i dobrovoljne priloge neposredno na transakcijski račun političke partije najkasnije u roku od 10 dana od dana prijema uplate.

<sup>3</sup> Politička partija dužna je da vodi poslovne knjige i podnosi finansijske izvještaje na način koji je utvrđen zakonom i drugim propisima u skladu sa zakonom.

<sup>4</sup> Politička partija vodi evidenciju o svojim prihodima i rashodima. Politička partija je dužna da Centralnoj izbornoj komisiji BiH podnese finansijski izvještaj za svaku kalendarsku godinu.

<sup>5</sup> Do 31. marta naredne godine politička partija podnosi finansijski izvještaj u formi koju odobri Centralna izborna komisija BiH.

Uvidom u poslovne knjige utvrđeno je da je stranka stornirala troškove reklame u iznosu od 715,00 KM, u korist smanjenja obaveze prema navedenom pravnom licu. Stranka je navedeno knjiženje izvršila na osnovu knjižnog odobrenja KO 140001 od 29.10.2014. godine, u kojem je navedeno da se radi o naknadno odobrenom popustu po računu.

S obzirom da stranka nije imala obavezu da plati dio računa ostvarila je nenovčanu donaciju pravnog lica „Adverto media“ koju je u skladu sa Zakonom o finansiranju političkih stranaka i Pravilnikom o godišnjim finansijskim izvještajima političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2014. godinu.

Time je stranka prihode i rashode u poslovnim knjigama i godišnjem finansijskom izvještaju iskazala u manjem iznosu u odnosu na ostvarene, čime je prekršila odredbe člana 11. i člana 12. stav (1) i (3) Zakona o finansiranju političkih stranaka i odredbe člana 13, 18, 21. i 23. Pravilnika o godišnjim finansijskim izvještajima političkih stranaka.

### **Troškovi izborne kampanje**

Prema odredbama člana 15.10 Izbornog zakona Bosne i Hercegovine, politička stranka za potrebe izborne kampanje ne smije potrošiti više od 0,30 odnosno 0,20 KM po biraču u svakom izbornom krugu, prema broju birača koje je objavila Centralna izborna komisija BiH.<sup>6</sup>

U svrhu izborne kampanje Demokratska narodna zajednica BiH je u godišnjem finansijskom izvještaju iskazala troškove izborne kampanje u iznosu od 75.863,27 KM, a prema podacima Centralne izborne komisije BiH, na osnovu broja birača, mogla je potrošiti 603.247,85 KM.

## **5.2. PREPORUKE**

*Preporučuje se Demokratskoj narodnoj zajednici BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da vodi evidencije o prijemljenim priložima,*
- *da vodi tačne i potpune evidencije o svojim prihodima i rashodima,*
- *da finansijske izvještaje koje podnosi Centralnoj izornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

### **Komentar:**

U ostavljenom roku, Demokratska narodna zajednica BiH nije dostavila primjedbu na Preliminarni izvještaj o pregledu godišnjeg finansijskog izvještaja za 2014. godinu.

Šef Odsjeka za revizijske poslove

Sanja Tošović

Pomoćnik revizora

Mr. sc. Goran Cicović

Šef Službe za reviziju

Mr.sc. Hasida Gušić

---

<sup>6</sup> Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako, što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine, odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH i predsjednika i potpredsjednika RS, odnosno 20 feninga za izbore za članove kantonalnih skupština.